



Adnan Terzić, od politike do biznisa

Uživam u funkciji bivšeg premijera

Očekujem da će i ova priča s „Agramom“ biti afirmativna • U Travniku imam roditelje, sestru, rodbinu. Skoro sam svakog vikenda tamo

Prema mišljenju mnogih, najuspješniji bh. premijer, Adnan Terzić je već nešto više od godinu van politike. Upravo je ovih dana imenovan za potpredsjednika koncerna „Agram“. U otvorenom razgovoru za naš list Terzić je govorio o novom profesionalnom izazovu, ali i o tome kako se njegov život promijenio nakon što je okončao premijerski mandat.

- Biti premijer jedne zemlje je, zaista, dosta stresno. Ipak, stvari sam postavljao tako da samo radim jedan posao i da nisam neka veličina. No, javnost rada i odgovornost vođenja države bio je dosta jak pritisak. Onog momenta kada sam Nikoli Špiriću predao dužnost predsjedavajućeg Vijeća ministara, počeo sam disati punim plućima - kaže Terzić.



Terzić: Volim izazove

(Foto: M. Kadrić)

Nisam kukavica

□ **Sada djelujete opuštenu, više relaksirani.**

- Nikome ko ne zna uživati u funkciji bivšeg premijera ne bih dao da bude premijer. Svako ko se prihvati tako odgovorne dužnosti mora znati da će mu mandat isteći i veoma je dobro

da to zna u vrijeme mandata, da se ne ponaša bahato, da živi realno. Relaksiran sam zato što sam uspio završiti cijeli mandat, što sam sa saradnicima postavio Bosnu i Hercegovinu na evropske tračnice, što sam uradio stvari koje su bile nazamislive u vrije-

me prije nas...

S druge strane, ima malo i mog prkosa, jer su oni koji su odlučivali hoću li se i dalje baviti politikom, odlučili da im ne trebam. Želio sam pokazati da me to nije nimalo uzdrmalo i da ne moram imati funkciju da bih normalno živio. Očekujem da će i ova priča s „Agramom“ biti afirmativna te da ću dobiti priliku da se etabliram i kao poslovni čovjek.

□ **Da li je lakše biti biznismen ili političar?**

- Sve zavisi od načina na koji se postavljate. Meni je bilo lako biti premijer, jer sam imao dobru namjeru. Pretpostavljam da neću imati problem ni sada, kada radim u ambijentu privatnog kapitala. Dovoljno poznajem sistem, šta se može popraviti u sistemu i kako se može razvijati taj

Što ti je veća funkcija, slabije igraš tenis

□ **Postoji li neki partner u tenisu kojeg niste uspjeli pobijediti, a voljeli biste?**

- Strastveni sam igrač tenisa zato što mislim da time dobro činim za svoj organizam. Nisam čovjek koji pati od toga da pobijedi. Volim dobar meč, iznijeti dvije majice. Kada ste premijer, svako vas želi dobiti, jer je to stvar prestiža. Prvi koji me dobio dok sam bio premijer i kome sam obećao da ću ga dobiti kada on postane nešto je Sven Alkalaj. Nekoliko mjeseci nakon što je postao ministar vanjskih poslova, dobio sam ga i onda sam mu rekao: „Što ti je veća funkcija, slabije igraš tenis“.

Skidam kesice na očnim kapcima, ali ne zbog estetike

□ **Da li ste od onih muškaraca koji idu u kozmetičke salone?**

- Nikada u životu nisam išao u kozmetički salon iako ne mislim da je to loše. Dobro je da čovjek vodi računa o sebi. Bilo je priča kako sam išao sređivati podočnjake, ali to nije tačno. Valjda od stresa imam povećanu masnoću u krvi i onda na donjim kapcima dobivam kesice. Dva sam puta to skidao i sada čekam da se vrijeme sredi i da odem još jednom. Organizam na očnim kapcima svake godine izbacuje masnoću i to je nešto što moram uraditi. To skidam, ali ne zbog estetike. Objasnili su mi, ako se nakupine ne skidaju, kasnije dovedu do ogromnih problema.

Možda imam i potrebu da ljudima pokažem da nije tačan onaj stereotip o političarima kao o ljudima koji su neinteligentni

privatni biznis.

□ **Zanimljivo je da ste nedavno okušali i kao TV voditelj. Publici su se dopale Vaše šoumenske sposobnosti.**

- To je stjecaj okolnosti. Godinama sam prisustvovao „Večernjakovom Pečatu“. Prošle sam godine čak morao izvlačiti neke greške, jer tim nije bio dovoljno uigran. Izašao sam nekoliko puta na binu i to malo popeglao i onda mi je gospodin Pavković rekao: „Adnane, više neću tražiti voditelja, najbolje je da ti to vodiš... Volim izazove. Nisam kukavica.“

Možda imam i potrebu da ljudima pokažem da nije tačan onaj stereotip o političarima kao o ljudima koji su neinteligentni i koji su, samo zahvaljujući tome što su dobili neku funkciju, što ih stranka pogura, nešto bitni i da je samo to razlog. Vjerovatno se veliki broj mojih kolega političara ne bi prihvatio toga zato što ne smije.

Volim kuhati

□ **Ko je od političara koje ste upoznali kao premijer na Vas ostavio najjači dojam?**

- Svi su oni ljudi jakih karakternih osobina: i Bler (Blair) i Šreder (Schroder)... Turski premijer Erdoan (Erdogan) je, također, veoma snažna ličnost. No, postoji jedan čovjek koji me fascinirao i, moram priznati, imao sam tremu kada sam se pripremao za susret sa njim. Za njega sam se jedino i pripr-

emao. To je bivši ministar u evropskoj vladi Kris Patten (Chris Patten). On je najfascinantniji političar kojeg sam upoznao. Ono što je on govorio o BiH, o meni i o Vijeću ministara, najveća mi je nagrada za vrijeme koje sam proveo u Vijeću ministara.

□ **Sigurno sada imate i više vremena za prijatelje i porodicu?**

- I kada sam bio premijer, odvajao sam vrijeme za porodicu i prijatelje. Ima nas nekoliko iste generacije, svi smo iz Travnika, ali smo se rasuli po svijetu. Obavezno se nađemo dva puta godišnje s porodicama. Ove smo godine imali četiri-pet takvih druženja zato što sam i ja imao više vremena.

U Travniku imam roditelje, sestru, rodbinu. Skoro sam svakog vikenda tamo. Moja supruga Maida u Travniku ima stomatološku ordinaciju. Navratimo u Visoko i do Maidinih roditelja. Sin Tarik je srednjoškolac i, pored svega što je značilo moje bavljenje politikom od 1996., uspio sam da to na njega ne utječe. Trudio sam se da u neko doba ne skontam da mi je dijete naraslo, a da ja to ne znam.

□ **Da li ste od pomoći supruzi u kućanskim poslovima?**

- Porodica nije samo privilegija nego i obaveza. Strašno volim kuhati, ali ne volim prati suđe. Rado odem na pijacu i u prodavnicu, tu sam uvijek na raspolaganju.

L. SARAJLIĆ-RAMOVIĆ